

مُشَارِقَاتُ قُرْآنِ

۱۳۲۶

درسمانده یکی پوسته خانه قارشو سنده
دائرة مخصوصه در

مکتبزه موافق آثار جدید مع المنزله قول اولنور
درج ابدی آکار اعاده اولنور

دین، فلسفه، ادبیات، حقوق و علوم دین باحث هفته لق رساله در

درسمانده نسخه سی ۵۰ پاره در

تیریلدن مقوا بورو ایله کوندریلیرسه سنوی
۲۰ غروش فضله آلتیر.

درسمانده پوسته ایله کوندریلیرسه ولایت بدلی اخذ اولنور.

تاریخ تاسیسی:

۱۱ نوز ۳۲۴

مؤسسلری: ارماعلا رین العابدین - ع. اشرف ادیب

سجلی الق ایلی

۳۵ ۶۵

۵۰ ۹۰

۵۰ ۹۰ غروشدر

درسمانده

ولایتده

ملاک اجنبیه

برخی سنه

۲۲۶ ذی القعدة ۲ پخشیه ۱۳ نصرین ثانی ۳۲۴

عدد: ۱۴

اصول مشروطیته قارشى خصمای ملتک اعتراضاتنه

مدافعه محقه

اصول مشروعه مشورتی تزییف و ملعنست استبدادی ترویج مقصدیله
اعداى حریت، طرفداران مظالم اهل حق و ارباب انصاف طرفندن
اورتیه قولان اک واضح دلائله قارشى برطاق واهی اعتراضدر درمیان
ایده رک عوام فاسی اغفالله یلته نیورلر، تلیدسات ایقاعنه چالیشیورلر.
بو یادکارلرک دلائل مشورت و براهین مشروطیتدن اولمق اوزره ایراد
واستشهاد اولنان آیات کریمی تأویل و تخصیص ایله عدالت و مساواتی
مغایر اسلامیت و منافی دیانت برصورتده تصویره قاشمئلری قدر بویوک
مفسدت، بادی هجیان برملعنست اولیه جنی محتاج بیان دکلدرد.

بوملورنلر بو نقطه نظرندن آق ایله قاره بی سچمکدن عاجز بولنان
برطاق ساده دل بیچاره لری، اکثر عوام خلقی تقلید ایله ذهنلرینی
بوزایلیرلر.

اک مشهور دالارمن، اک زیاده مظهر قبول اولان برهانلرمن
بو حریفلرک ادعای باطللری وجهله اگر حکیمز قاله حق اولورسه
اصول عالیة مذکوره نظر اعتباردن ساقط اولمق وحاشا اسلامیت
بنامی تحکم واستبداد اساسلری اوزرینه مؤسس بولمق لازم کلیر.

مثلا «وشاردهم فی الامر» نظم جلیلی ایله اصول مشورتک
مشروعیت، اداره حکومت، ترقیات ملت متعلق امورک کانه سنده
استشاره ناک وجوبی کیفیت، بوتون ارباب بصیرت و عرفان طرفندن
الزام ایدلمکده اولان استدلال صحیح، قارشى «بأیت کریم ده کی «هم»
ضمیمه اصحاب رسوله راجع اولمعله قرآن بالخاصه جناب رسولک کندی
احبابیله استشاره اتملرناک مشروعیته دلالت ایدر. بوقسه هر زمان
ملانلرک اقوام ساره ایله استشاره اتملری جوازینده دلیل اوله ماز» دییورلر.

ایشته میل استبداد و تهیج فساد ساقه سیله عمای بصیرته کرفتار
بولنان کسان بی اذعانک ساده دل و بی وقوف اهالی میزی دام تزویر
اغفالرینه دوشوره رک اورتیه سوردکلری بو درلو سفسطه لرله تأثیرات
مدهشه ایراث اتملری استبداد اولنماز، بناء علیه بو هدیانه قارشى
ارباب حیثیت، التزام سکوتلری روا کورلمز. حسن ایتدیکمز شو لزومه
مبنی بزده دفع باطل و تأیید حقیقت مقصدیله مقاله معروضه بی تحریر
میلدرت ایلدک.

ارباب فهم و دانش خفی اولمادیغی اوزره قرآن کریم ایله استدلال
اید بیلک ایچون برچرق معلومات، برخیلی اصول و قواعد الدیه اتمک
احتیاج واردر. براز عریجه بیلکله شوآیندن بویله برمعنی آکلاشیلیر.
شویله بر حکم چیقاریلیر، یاخود استنباط اولنان حکم طوغریدر. ویا
طوغری دکلدرد، دییه مجتهدلکه قیام هیچ بروقت معقول کورلمز. اصول
استنباطدن، قواعد مقرردهن بی هره اولان کیمسه بویله برادعایه قیام
ایدنجه تجاوز و اعتداف ایله اتهام اولنور. حدیثی بیلشمش ویا ایقاع
فساده یلتمش اولدینی یدان علانیه چیقار.

آیات فرقانیه دن استنباط احکام ایدیله بیلک ایچون اصول فقهده
مقرر و مبرهن بولنان اک بسیط قواعدی بیله بیلن کسان استدلال
شرعییه دائر نه سویله سد خطا اتمش اوله جنی آشکاردر.

فرقان حکمدن استنباط حکم اقتدارینی حائر اولمق ایچون اولابوتون اقسام
نظمی تمیز و جدلانیلرینی معرفت ثابا هر نظم جلیلیک عبیره و اشاره و دلالت
واقضا ناملریله معروف وجوه اربعة افاده سنده وقوف بولنلرک هر برینک
شرائط احکام اصولیه سنی احاطه صاحب اولمغه جهد و غیوت لازمدرد.
برازده حقیقت و مجاز، صریح و کنایه مباحثه اطلاع ایله مک شرطدر.
بولندن بشته احکام شرعیه ناک بر قسمی ده قیاس فقها ایله مستنبط بولمشی
جهتیه احوال و احکام قیاسیه ده دخی آکله اولمق اقتضا ایدر.

بجمله پك زياده تعلق بولسان برقاج بحث اصولينك نموده سني،
نظرك تنوير حقيقتنه مدار اوله جق اقسام اجاليه سني بيان، بقدر الامكان
تفهيم مرام ايچون لابد كورونن ايضاحاته اتيان ايدهم .
برنص شريفك علم منطقده معلوم دلالات ثلثه نك هر هانكي بريله
اولورسه اولسون ماسبق اولديني ثابت اولان ، سياق وسباق ودالات
حل كې برقرينه ايله افاده سي مقصد اصلي اولديني بيلنن برمعنايه بالعباره
دال اولسي كې اومعناي مقصودك غيري معاني واحكامده بالاشاره
دال اوله بيلير . [بوقسملك تمثيل وايضاحنه بوراده لزوم يوقدر]

مدلول بالعباره اولان معاني اصله نك لوازمندن معدود بر طاقم
معنالرده واردركه بونلك بمضيبي لازم متقدم قيلندن اولوب ركلامك
حاوي اولديني حكيم صحت شرعيه سني محافظه ايچون اعتباري
ضروريدير . بومعني اعتباريله كلام مذكوره دال بالاعتضا تسميه اولنور .
اطناب مقالندن تحزراً بوقسملك ده تمثيل وايضاحي ترك ايديورز .
لوازمك برنوعيه ده اجتهاده توقف ايتيمرك محضاً مناط حكمي
ملاحظه ايله كلامك مدلول وضعيسنه آشنا بولنان هر مخاطبه منفهم
اوله جق معنای لازميدر . بومعنايه نظراً كلامه « دال بالدلاله » تدبير
اولنور . بونوع لازمير ، مدلول التزاميلرك برقسي اولويت ديكرى ده
مساوات جهتيه منفهم اولمقده در .

مثلاً اهله قربان ايله صوم رمضان عداً نقض ايدن اعرابي
حقنده وجوب كفارت اسريني حاوي اولان حديث شريفندن نه
صورتله اولورسه اولسون صيام مذكوري ناقض اولان هر مكلفك
كفارت ايله مأمور اولسي مستفاد اولور . چونكه حكم مذكوره
اعرابي اولمك دخلي يوقدر . بناء عليه جيع فقهايه كوره ولو اكل وشرب
طريقيله نقض صيام ايدن بر تورك ، بر عجمده كفارت ايله محكوم
قشور . حديث شريفك بر بدوي عرب حقنده ورودى بو حكم شرعيناك
سائر افراد مسلمينه شموله مانع عد اولنماز .

كذلك « ولا تقل لهما اف » نظم جليلندن والدين حقنده اوف
ديميرك كنديلريني رنجيده ايتك حرمتي « بالعباره » آكلاشديني كې
آلري شتم وضرب ايله تحقير ايتك كيفيتك حرمتي « بالدلاله » يعنى
اولويت طريقيله مستبان اولمقده در . زيرا مناط حكم علت تحريم اولان
اذا وتحقير شتم وضرب صورتلرنده دها زياده اولديني آشكاردر .

ايشته « وشاورهم في الامر » نظم شريفده جناب رسالتآب
افتمرنه خطاباً وارد اولوب لى الايجاب نزد رسالتپناهيلرنده حاضر
بولونان اصحاب كرام ايله استشاره بيورملري لزومنه « بالعباره » دال
اولديني كې هر زمان هر خليفه نك ، هر حكمدار اسلامك زير اداره
وتابعيتنده بولونان ارباب اذعان ايله استشاره ايتلمري ، كنديلرينه متعلق
امور وخصوصانده اونلك رايلىريني صورملري لزومنه « بالدلاله » يعنى
اولويت طريقيله دلالات ايتكمده در .

كنديسنه سعاد بالآتوالى وحى نازل اولان رسول ذى شان انندمن بيله
امور دنويه ده استشاره دن غير مستغنى كوستريليرسه آرتق جانشين
حكومت وخلافت اولان ذواتك نه درجه عقل وكياست ، نه مرتبه

حسن نيت واستقامت صاحبي اولورلرسه اولسونلر رايلىرنده مستبد
اولميرق استشاره ايله تدوير امورعنايه مجبور قلنلري صورت قطعيه ده
اقتضا ايدر . حتى ديه بيليركه رسول اكرم افندمن حضرتلري حقنده
شرفورود ايدن امر بالمشاوره نك علت غايه سي ، استشاره ايله مأمور
قلنلرينك حكمت عليه سي زمامداران حكومت اسلاميه بر درس عبرت
ويرمكدن عبارت اوله جفنده اشتباه ميدان يوقدر . ناصلكه شوآيت
جليله نك عقيب نزولنده وارد اولان « ان الله ورسوله اغنيان عن المشاوره
ولكن جعلها الله سنة لامتى ورجة الى يوم القيامة » حديث شريفده
بو حقيقتى ناطقدر .

زمان سعادت پيغمبريده اولديني كې دور جليل خلفاي راشدينك
دخلى اداره امورعنايه هپ بوموال اوزره كذارش بولديني محتاج تفصيل
دكلدر .

الحاصل بوآيت كريمه دن - خلاصه مفاد اولق اوزره - حكومت
اسلاميه نك اهالى ايله استشاره ده بولمسنك مشروعتي مستبان اولمقده در .
« وامرهم شورى بينهم » نظم جليلندن ده بوتون امورعنايه نك تمشيت
واجراسي بين المسلمين عقد مشورت صورتيه اولمسنك وجوبى صريحاً
مستفاد اوليور . بوجهته شوايكي اساسكده منصوبيتنده اشتباه
ميدان قالماز .

وطن ومملكته ثابداصلاحات وترقيات انواعنده ، مصالح دنويه
نك همان كافه سنده علاقه دار بولنلري حسييله غير مسلملركده مشورته
ادخال اولنلري حائز اولدوقلري صلاحيته بناء موافق معدلت اولديني
قابل انكار دكلدر . بوجهت نصوص شرعيه ده مصرح اولمديقتندن خلافني
ارزو ايدنلرده اوله بيلير . فقط مادامكه مخاصمات مليه ومنازعات مقاميه نك
قطع وازالهنه بوندن باشقه چاره اولمديني تجارب عموميه ايله بوكون
صورت قطعيه ده تحقق ايتش وهر حكومتك اتخاذ ايله مش اولديني اصول
مشورت بو طرزده ، بوتون اهاليناك انتخاب كرده لري اولان مبعوثان
آره سنده جريان ايتكمده بولنلشدر . بزمده تأمين سلامت وسعادت ايچون
بو طريقه سالك اولماضر ضرورت حالي كسب ايتمشدر .

بو طريقه سلوكك مشروعتي اثبات بابنده شريعت منوره نك
بزي غير مسلملر ايله عقد شركت والزام حسن معاشرتدن نهى ايتمه مش
اولماسنى ملاحظه كافيدر . اوت ! شريعت بزي هر كيمه قارشى اولورسه
اولسون برواحسانه دائر اجراي ملاملاندن نهى ايتمه مش ، بلكه دائماً
هر كسله حسن مخادنت واتلاف نقطه لريني كوزه نك خصوصانته
ترغيب وتشويق ايتمشدر . « اتم اعرف بامر دنياكم » كې احاديث نبويه
انتظام امورعنايه ومصالح دنويه ايچون ياليسى ايجاب ايدن هيج برامر
معقولدن كيرو طور ميهرق هر درلو اصلاحات وترقيات مدنيه تأميننه
سالكان صراط مستقيمي سربست براققده در . مابعدى وار

مناسرتي اسماعيل مهدي